

餐花室詩稿




浙江圖書館






浙江圖書館



浙江圖書館



浙江圖書館



浙江圖書館



浙江圖書館

蔡元培詩稿

浙江圖書館

已酉歲

秋

月

廿

九

日

公



浙江圖書館

浙江圖書館

浙江圖書館


浙江圖書館

浙江圖書館

浙江圖書館

浙江圖書館

浙江圖書館



浙江圖書館

浙
江
圖
書
館

浙
江
圖
書
館

餐花室詩稿

關山鈴語集

已酉暮春由滇南寶甯令調任黔中普定捧檄北
行長安萬里爰成八律以誌別懷惓促倚裝不
復計其工拙也

芳草如茵接野煙
驪歌欲唱重流連
棄繻已遂終軍志
飛鳥還漸葉縣仙
薄有和名留幕府
竟無勲業樹窮邊
北行日報長安近
鳳闕初瞻尺五天
回頭親舍感雲飛
游子吟成淚欲揮
庭誥已聞傳治譜



桐鄉嚴錫康伯雅



御香此去惹朝衣。雄疆作宰心原壯。少日登科願已違。

累葉簪纓綿世澤。勉將清白報春暉。

韻隔墳荒別夢遙。天涯兄弟等飄蓬。三春客醉燕臺酒。

萬里人歸雲水蓬。時仲弟在京師知點漫尋山大小。機

雲。曾住屋西東。青霄有路分鑰上。會見鴻毛遇順風。

談詩門第譽曾聞。三妹吾家有左芬。王氏家慈系出婺源

有王氏一門能詩之譽今家慈親授得句居然能免

小雲少藍穉薌三妹詩學亦各能領畧俗讀書應亦解為文未忘夜雨鷓原痛。季弟生有夙慧

又值秋江雁影分。臨別一言須記取。膝前侍奉要殷勤。

小雲妹子歸金陵李氏惟少藍穉薌兩妹隨侍赴順甯郡任

十載糟糠共遠游歸心時動白蘋洲
內子家居湖州外

庭幃侍餽承歡笑閨閣聯吟互倡酬
叔弟婦周蕙貧病

幸無鬼如黥丹青難寫別離愁
送內子寓贈行何時放棹

江南去桃葉同迎古渡頭

玉帳春風坐日長感恩知己不尋常
叨陪北海千樽酒

願奉南豐一瓣香薄植偏邀青眼賞
高評自愧白眉良

隣疆移官休惆悵卿月猶能照夜郎
余受林少穆宮保師知遇之恩臺鎮

諸公同垂青目

茫茫塵海幾知音名負中郎爨下琴
文字交親知合契
官途聚散總關心臨歧屢飽何曾饌
愛我嘗分鮓叔金

今日昆明池上別。離情更比綠波深。
杜鵑聲裡跨吟鞍。折盡垂楊思萬端。
一卷隨身無長物。九州行脚笑麤官。
河山欲攬秦關壯。雲棧先經蜀道難。
弔古須憑詩作記。多應收入錦囊看。

板橋見月有感

楊柳碧迢迢。征人度板橋。
天涯明月色。看盡是今宵。

瀘州旅店題壁

閱盡崎嶇路。平原見此州。
城低新月上。山遠薄雲收。
鰕菜饒鄉味。笙歌動客愁。
川南繁富地。領郡足風流。

直判治瀘
已十年矣

折柳橋

風笛聲聲暮雨飄
春來折盡短長條
行人未出陽關路
先為銷魂是此橋

簡州道中

娟娟東風撲面吹
夕陽影裏拂鞭絲
新雛犢鳥啼嬌韻
絕艷花放故枝芳
草遙連諸葛壘
瘴雲低護簡侯祠
長途有客吟佳句
小飲旗亭醉不辭

成都漫興

一肩琴劍指華陽
風軟沙平匹騎狂
芳草綠勻金雁驛
名花紅出碧雞坊
樓船下峽思玉濟
壘部籌邊仰贊皇

多少英雄遺蹟在。錦官城郭未荒涼。
青城玉壘屹西東。天府成都作鎮雄。蜀魄至今啼望帝。
唐朝曾此置離宮。三刀入夢和生願。萬里題橋壯志同。
難得憐才逢僕射。肯來門外憇花驄。
張謂吳仲明方伯
琳雲廡訪

游新都桂湖弔楊升菴先生

寫韻樓高俯南詔。碧燒舍古憑華嶠。先生遺蹟每登臨。
先生故鄉曾未到。一鞭今日指新都。滕境才來攬桂湖。
湖上亭臺新點綴。湖中鷗鷺亦忘機。此間頗覺閒居好。
可惜先生通籍早。議禮無端詔獄收。荷戈容易邊荒老。
卅年身未遂。生還夢繞沅江水。一灣贏得詩名傳。徽外。

更留忠節在人間。家園俎豆千秋享。秦山北斗人同仰。
金雁迢迢對碧雞。英靈兩地常來往。金雁江屬成都丹
桂凌雲花未開。夕陽憑弔有餘哀。可憐明社成墟久。猶
為當時惜此柏。

劍州道上古柏歌

書

劍州道上多古柏。樹樹垂青揮征客。東至劍閣西武連。
百里之中無間隙。或如神龍勢天矯。老榦槎枒挿天碧。
或如威鳳騰蹕躑。翠蔭漫空掩日赤。雄奇細秀態各殊。
如此良材天下無。荆關董巨縱並到。不能貌取毫空濡。
長途溽暑行役苦。小憩樹陰獨揮麈。清香直覺鼻觀通。

孤根何妨手頻撫。因思當時不與秦山之松同受。如夫
封。又不與楚國章臺柳為伍。但說漢朝人所栽。居民不
敢加樵斧。代遠年湮。無可稽。未識武侯與先主。裂葉疑
屯八陣雲。濯枝應借惠陵雨。吁嗟乎。一世英雄多不作。
那及此樹常占西川數尺土。

廣元買舟泛嘉陵江至朝天驛

一月山中行。頗羨水鄉好。况是嘉陵江。名勝擬蓬島。蜀
東買扁舟。盪漾如葉小。擊楫溯中流。爽氣挹清曉。仰觀
千佛巖。峭壁插雲表。斧鑿何能加。神功特示巧。山圍疑
路窮。水平覺灘少。落日朝天子。規啼樹杪。憶昔吳道

子○奉○救○束○蜀○道○山○水○三○百○里○摹○取○畫○圖○藁○少○陵○客○三○巴○
亦○曾○恣○幽○討○江○水○似○碧○玉○秀○句○成○獨○造○嗟○余○宦○游○人○欲○
向○風○塵○老○奇○景○到○眼○中○貪○看○必○求○飽○丹○青○惜○未○能○以○詩○
記○鴻○爪○今○作○嘉○陵○游○抑○鬱○紆○懷○抱○一○笑○卸○輕○帆○吟○成○綠○
波○渺○

下七盤關

圖

澹○煙○微○雨○晝○冥○冥○路○下○危○梯○馮○不○停○行○過○關○門○重○回○首○
送○人○無○數○蜀○山○青○

褒斜谷中雨行

浙

路○入○褒○斜○谷○寒○生○五○月○秋○山○腰○蟠○老○樹○石○罅○激○奔○流○棧○

缺危橋補闕。傾古碣留筍輿。衝雨去。疑坐峽中舟。

紫柏山謁留侯祠

一椎誤擊副車空。佐漢終成蓋世功。名節獨全諸將上。容顏偏與婦人同。早嫌戎馬資黃石。假托神仙慕赤松。留得深山祠宇在。英雄幾輩仰高風。

心紅峽

奇絕心紅峽。數峯青插天。茅亭圍古木。石磴瀉危泉。路險頻嘶馬。風清好聽蟬。蠻煙飛不到。小憩却塵緣。

將至岐山

孤城置驛達洮岷。滾滾輪蹄動路塵。山勢終南分二陝。

川連渭北繞三秦
空聞簫管招鳴鳳
偶見榛苓憶美人
東望周原千頃沃
豐年處處樂吹豳

呈西安巡撫張詩舫先生祥河

開府西秦地
長城萬里環
九邊新節度
三輔舊河山
雁塞屯田闢
龍沙戍鼓聞
時清無戰伐
紫氣滿函關

充豫甘棠茂
豐碑字不磨
千艘曾轉漕
三策更防河
譽

動丹宸早
恩承翠羽多
灘江煙水窟
紅籀又經過

乍聽涼州笛
重傳灞岸騶
鶯花吟杜曲
雲樹繪終南
畫

壁籠紗編臨池
潑墨酣青蓮
和靖外風雅
得公三李
燕謂

公皆前任陝西巡撫
翰林少穆兩宮保師二

物望崇分陝中丞管樂傳香真凝燕寢名已覆金甌冬
日人皆愛春風座自留荊州何幸識不負作秦游

灞橋

聞說新豐路。征人意黯然。最難消遣地。無可奈何天。碧
岸排疎柳。紅亭隱暮煙。離情隨處有。況是灞橋邊。

潼關渡黃河

行過潼關古驛樓。中條山外望蒲州。黃河筭曲東南去。
滾滾波濤使客愁。

平陽道上望藐姑射山

太華終南取次經。北來還愛此山青。別將奇氣開生面。

也有清光悅性靈絕頂雲煙如絮擁上方鐘磬隔林聽
競姑仙子臨風立似笑細人馬不傷

太原

太原城下征輪駐未到長安已早秋表裏河山雄右輔
晉唐人物重并州健兒袴褶馳花馬蕃女箏琶上酒樓
欲問前朝爭戰地雁門西望陣雲收

度天門嶺至壽陽

據鞍直上碧峯巔石骨巉坑馬不前飛鳥迴翔村樹外
遠山高下塞雲邊天生絕巘疑無路風送清音識有泉
暝色蒼茫何處宿夕陽城郭起炊煙

車中讀史四首

烈士重義氣。富貴如浮雲。干木昔藩魏。仲連能却秦。逢時亦不易。未遇徒殷勤。功成若固有。茅土未肯分。忽然挂冠去。亮節殊絕羣。

書

寥寡揚子宅。寂寞相如居。蓬蒿掩三徑。閑戶還著書。不計身後名。文章耀寰區。視彼王與侯。冠蓋映通衢。朝入

華林去。暮向長楊驅。酒炙紛如雲。鐘磬問笙竽。未顏和可駐。忽忽北邱趨。繁華有終極。里第成邱墟。

不善議福
言第自然
術繼偶疎高節仍軼倫至今易水上悲風起黃塵開蓋

想眦裂千載猶怒瞋

買臣伉儷垂主父骨肉薄長卿徒壁立陳平席負郭四
人名亦重未遇盡落寞迨當得意時胸襟一何廓古來
真英雄往往在溝壑遭際會有期幸勿憾飄泊

上固關

匹馬上雲端雄關踞翠巖地臨三晉險路達九邊寬草
綠官羊健風清戍角寒莫勞津吏問襪被赴長安

獲鹿山中遇雨

山頭一尺雨直下似奔湍馬踏危坡滑人行曲澗寒雷
霆驅百里虎豹嘯層巖待到城中宿沈沈夜漏殘

圓明園引

見恭紀

紫宸別殿觀

龍光簾捲

西山曉色蒼水暖液池

魚活潑風和

禁籞燕翔

館虞廷干舞剛頌樂禹甸

鑿迴乍省方三十年華階五品朝衣初惹御爐香

余滯都門三月將赴貴州荔波任仲弟招集同鄉

張海門年丈馮小亭金翰舉沈紫卿三太史錢

萍石農部王曉蓮明府設餞陶然亭賦此留別

弟兄三載別道遠相見難今年秋風遽吹我來長安談

詩夜剪燭沽酒朝共餐聯床五十日頗洽平生歡驪駒

從門外萬里重之官

新銜署郡丞且作黔南令
 金筑木瓜間多是舊游徑
 蠻方風氣純親民職或稱承平日既多邊備益當慎倘遇
 北來鴻尚望寄芳訊
 笙歌聽已倦設餞來江亭
 西山雨後出嵐翠粘疎櫺
 座中畫佳客文星兼酒星
 安得倪高士裙屐留丹青
 明朝揮手去別夢搖馱鈴

鄴下懷古

河山蒼莽鞏神州想見英雄割據秋
 對酒當歌原慷慨
 分香賣履總風流
 難忘知已惟喬尉
 空羨生兒似仲謀
 七十二陵何處是夕陽憑弔使人愁

浙江圖書館

湯陰謁岳武穆祠

一詔班師萬姓哀中興事業付塵埃
山朝已定偏安局良將非無制勝才
湖上騎驢同輩去峰頭立馬敵人來
英雄遺恨千秋在殿角松風響怒雷

樊城渡江至襄陽



秋煙淡淡雨絲絲恰是江城薄暮時
本地風光誰寫照元章畫筆浩然詩

銅鞮坊對仲宣樓界斷晴沙碧水流
兩岸人家數行樹一齋倒影鏡中收

荊州道上書所見

晨起策蹇行。塵沙撲面黑。村落多荒涼。炊煙數縷直。相
逢行路人。八九有菜色。詢其何處來。云自武陵邑。今年
洪水災。田廬成蕩析。布帛與菽粟。併使蛟龍得。虎口幸
餘生。移家去鄉國。詢其何所歸。云往秦關北。黃沙白草
間。開墾務衣食。非不憂路難。聊免填溝洫。穉子膝下啼。
孱妻道旁泣。黃髮台背翁。喘嗽時弗息。昏言三日饑。欲
行苦無力。覩此瑣尾形。心懷增愴惻。發棠已得請。賑林
是誰職。願繪流民圖。直達玉皇側。

上清浪灘

如媧昔補天。遺此五色石。拋在空江中。巉巖似刀戟。水

由石罅來舟從石罅逆有若蠶剥繭層層浪花餓更若
鮎上竿得寸期得尺漸進勢益橫雪滾一灘自撐持賴
衆篙何殊寸筵擊舟子貪行程雙纜牽亟亟跬步皆艱
難吳牛喘未息人定果勝天如險同破敵愧無忠信憑
倖免蛟龍得回頭視後船尚費推移力擬為叩蒼穹速
遣五丁闢

辰沅舟中雜詩

江

秋水真如碧玉水邊鷗鷺兩三
只少亭臺幾座煙波不
讓江南

太白山前倚棹龍標城外登樓
多少扣人到此鷓鴣莫

喚回頭

一夜清霜飛下。滿山楓葉全紅。間以橙黃橘綠。雲林欲
畫難工。

路望沅州西去。一溪水惡灘長。收取布帆十幅。順風孤
負馬當。

施秉道中早行

微茫曉月促裝頻。鈴鐸驚回夢裡身。馬足帶泥知宿雨。
虎蹄留迹駭行人。松藏石徑無三畝。水抱柴門少四隣。
莫道秋容多寂寞。如花霜葉勝殘春。

游月潭寺登飛雲巖

喬木鬱蒼蒼山徑泥滑滑長途襍穢行古寺堪小歇寺
 門豁達開中有神仙窟石磴歷百盤佛像瞻水月巖上
 像士雲從石根生石藉雲氣結雲石兩混然形狀竟莫別
 昔人題詠多摩挲編苔碣籐蟠疑毒蛇花落少香蝶孤
 亭俯碧潭趺坐涼生禍塵氛一掃除酌水解煩渴何以
 曠我懷松濤韻清越何以爽我眸寒泉鑑毫髮鄉心托
 雁鴻身世感徽徽頻年客天涯山水性所悅况茲巖壑
 美游興豈能過落日聞疎鐘呼興乃前發回首望飛雲
 暮煙橫一抹

餐花室詩稿

桐鄉嚴錫康伯雅

黔服移官集

黔陽客興

館

飛鴻官迹印黔陽
回首春明萬里長
依稀蒹蘆仍故我
隨身竿木又逢場
門前投刺多新雨
壁上題詩總異鄉
聽鼓餘閒還吊古
竹王祠畔水聲涼

題黃契之明府紹贄入峽圖

澣溪令尹今循吏
文采風流莫能企
侍官當年蜀道行
青山都是留詩地
蜀中山水數夔巫
雄秀清奇態各殊



三峽奔流趨漢沔。一條衣帶上巴渝。來時記值春光老。
桃花開出仙源道。高唐觀接美人峰。點綴煙鬟無限好。
全家風雅況如仙。手摩鸞牋坐畫船。難得游蹤追老杜。
合將佳句鬥青蓮。巖巖幻披雲。見別後相思常不倦。
為倩丹青願虎頭。圖成十丈鸞溪絹。携圖從此走天涯。
北訪燕臺南雪崖。眼中邱壑經多少。比到夔巫總未佳。
竭来小作平原客。剪燭西窗談竟夕。讀書何堪憶舊游。
此中我有鴻泥迹。金筑年年例貢金。乘槎先擬訂同心。
好從巴峽穿巫峽。重向江湖放浪吟。

會議邊事至廣西南丹州贈莫蔭臣土牧樹棠

會議邊事至廣西南丹州贈莫陰臣土牧樹棠

隘道通邕管巖疆接荔泉提封三百里世澤一千年職襲

始於隋初秩比金貂貴新加四品封典功伴鐵券傳蠻荒賢刺史政

最限三遷土州縣例

留別荔波

經年鴻爪印邊城愧說人間父母名每聽蘆笙過月市

常携竹杖勸春耕認情曲直愁難得蠻語鉤翰辨未明

只有荔泉今日水墜來心迹尚同清

琇峩學舍倚雲開前輩經營頗費才荔泉書院蒙正義

至堂河帥宰荔寒暖一時霑化雨科名異日起春雷懷

珍不少圭璋品樹木應成杞梓材余蒞任後復興書院

考課延張春堂廣文

主講並添設義學四
處教育苗民子弟
莫負後先培養意
青雲有路上蓬

萊

苔岑契洽有深緣
薄宦同游萬里天
細柳風清瞻上將

謂哈玉亭協鎮峨松地僻隱高賢
謂陳虛齋貳尹迎來

五馬山爭色
荔城商辦邊務到飛到雙鳧爽亦仙
備畢雪

府來代劇惜匆匆揮手別得陪冠蓋又何年

早樸香裏別我陽為感輿情涕滿裳
敢望鑄金留惠蹟

可容載石壓輕裝
臨歧尚切安危計
設險曾嚴內外防

况值隣疆烽火熾
綢繆未雨莫相忘
時值粵匪滋事逼

即樹桐團練堵禦

民心得以鎮定

喜聞少穆宮保師奉

命總師督勦粵匪寄呈二律

綸綽新承雨露寬。上公節鉞又登壇。威知南服思諸葛。

未許東山卧謝安。浩劫能回臣力竭。先聲所到賊心寒。

平泉縱有閒風月。肯捨蒼生理釣竿。

神仙丰骨鶴精神。用隨天以蕃釐錫偉人。聖主寵

行薰沐禮。邊民喜見太平春。旂常勲業垂千古。社稷安

危繫一身。從此中台星朗耀。功名不獨畫麒麟。

宮傳林文忠公輓詞

薄海欣傳起潞公。俄驚星墮粵江東。

九重知遇名

原大萬里專征死更忠。峴首從今思惠政。壺頭惜未竟。
邊功。楓宸有詔深褒卹。恩禮三朝見始終。

望重。朝廷柱石臣封疆。卅載歷艱辛。家貧并乏門容。
駟貌古曾看閣畫麟。百戰聲威真蓋世。一生憂樂盡關
民。試將青史論勲伐。近代如公有幾人。

灑江逆寇正披猖。聖主資公作保障。文武相兼裴

晉國安危身繫郭汾陽。何期碧落騎箕早。莫慰蒼生望
澤長。此去也應遺恨在。櫓槍未及掃蠻荒。

鯁生難忘受恩知。往歲征南幕府隨。書記自慚誇杜牧。
剡章屢荷薦元之。春風還冀重逢日。卿月偏無再見期。

痛絕羊曇腸斷後西州門尚在天涯

借王桐野別駕承淮崇也愚明府環扶風禪院看

牡丹

蠻城春暖花爭芳千紅萬紫輝朝陽就中鼠姑推第一
數叢綽約開僧廊清晨邀客恣游賞到門便覺天風香
花下凝睇驚艷絕迷離五色搖目光錯疑神女下塵世
雲羅霞綺披華裳又疑仙人出洛浦脂紅粉白施明粧
繁華富貴本無匹樂天之歌真足當紛紛桃李志俯首
佳名不愧居花王金谷園中昔最盛何人移植來殊方
安得綠珠擁錦幃坐間度曲催行觴嗟余薄宦走萬里

頻年踪跡羈遐荒
賓姬蠻女鮮佳麗
得逢此花喜欲狂
快拂巴箋寫新句
擬追太白詞三章
詩成一笑花不語
向花誦罷傾奚囊

觀緬奴洗象作歌

書

官校前導旗蓋張
鳴鉦伐鼓聲宣揚
傳呼象自東郭至
觀者如堵填道旁
背上蠻童坐收牒
馴順調良不拘繫
蹣跚體大倍數牛
行似山移止山立
長河直下波濤衝
雙鼻捲浪高於峯
頑軀沅盡塵十斛
魚蝦水底多潛蹤
晚涼浴罷識途返
豈類駑馬惟戀棧
誰言木大難為用
此物已備天閑選

呈貴陽郡守王蓮浦先生成璐

楚尾吳頭地迴翔二十年一麾重出守五馬喜行邊講

學文翁化匡時台父賢卿雲今在目紅覆日南天

萬里牂牁郡雄疆控百蠻廉威宣帝德疾苦恤民

艱英蕩承新寵時兼權糧儲蓬萊憶舊班全黔資表率治

譜早分頌

山水黔中秀公餘作後游白雲藏古寺紅葉擁邊樓幕

府招談醮賓僚互唱酬弓衣新織句傳誦遍遐陬

鈴閣春風暖追陪笑語溫自慚非駿骨差幸托龍門鮑

叔真知己侯羸合報恩南豐香一瓣從此奉晨昏

餐花室詩稿

桐鄉嚴錫康伯雅

錦江利涉集

館

辛亥仲秋領運京鉛北上留別王蓮浦觀察師並

同志諸寅好

書

露白葭蒼色色秋。西風催我駕扁舟。一肩行李餘琴鶴。
 心月仙槎泛水牛。壯志何嘗甘退鷁。浮生終欲笑閒鷗。
 祇因詩要江山助。捧檄重為萬里游。
 萍蹤小聚亦前緣。聽到陽關倍黯然。詩句壓裝仙吏筆。
 箏絃惜別酒人筵。蠻雲暮靄遮荒驛。官柳蕭疎帶晚烟。



最是程門增眷戀春風一載受恩偏

題沈虞臣別駕世良涇南鴻雪圖

政重泉刀檄屢催鞠華黃後我纔來高低樓閣笙歌沸
平遠江山畫本開夜月烏啼諸葛廟秋風人吊伯奇臺

與君相遇還相別且盡離筵酒一盃

青雀招搖漾綠莎新詞聽按定風波負官心迹原如水

逆旅光陰等擲梭此去滿蹤天下遍古來勝蹟蜀中多

輸君先受絲綸寵颺拜浙彤廷響玉珂君與余皆因獲盜議叙奉

並調引帶運京鉛見

答少藍妹自蒲門郡署寄懷之作

涇南九月雁未遲
離恨新添對酒時
珍重二千餘里外
十行錦字一篇詩
江千秋樹碧生煙
江水東流待放船
此夕思親兼憶妹
夢隨明月到南天

重慶雜詠

書

雄堞參雲表
登臨展畫圖
帆檣通上國
門戶障成都
日落牙旗冷
霜清戍角孤
自來無勝地
莫便說夔巫
書劍飄零客
羈棲錦里東
山川悲杜宇
泥爪印飛鴻
蜀道青天比
巴歌白雪同
芳園遺漢代
絕愛荔枝紅
新月城頭露
蓬窻夜氣侵
三年游子詠
萬里故園心
旅

夢輸鷗穩家書被雁沈
峽猿啼不住清入扣舷吟
江水尋巴字塗山謁禹祠
貢金三品貴作楫一官卑
鄉味思莼菜蠻謳聽竹枝
西南望東京國到何時

夔巫道中

書

辨香虔拜杜陵祠粉堞孤懸落日遲
一棹夔州城外泊萬猿聲裡自吟詩

魚腹江頭雪浪鋪卧龍遺壘没菰蒲
祗今賸有南飛雁猶向平沙學陣圖

浙

船頭遙指彩雲鮮白帝城高倚碧天
千里江陵何日到舉杯欲問李青蓮

白鹽赤甲夾清江山寺寒鐘斷續撞一夜朔風吹不定
雪花如掌落蓬窓

估船連檣曉角殘雲安東去儘波瀾無情灩澦堆前石

最是教人上下難

雲雨迷離洞壑重浮空嵐翠晚尤濃丹青饒有荆關筆

難畫巫山十二峯

梁州行盡接荊州水驛荒涼逼客愁送遍東征人出險

長江去也不回頭

下新灘泊空船峽

浙

一水攻萬石一石敵一水水石相持各不容激怒波濤

陰白

震數里誰云冬令水歸壑鼎沸依然煮海似盤渦回流

翻騰上其勢洶湧莫測底巉巖棋布兼星羅巨織縱橫

張利齒聲如擊鼓動地鳴狀若獅象當道跋舟從石罅

屈曲下恍入虎穴探虎子左避右護前後防差之毫釐

判生死長年三老終解事同力合作臂使指龍門不走

趨官曹因勢利導見長技兩舟篙工分二磳夏走北磳

名龍門冬趨吁嗟乎金盤水小黃牛低皆歸州境內極

險之茲灘之險竟無比神禹治水遍九州工力何為獨

遺此須臾灘盡舟亦停似掌波紋漾羅綺出險驚魂猶

盪搖突過重圍慶生矣黃昏月上就榻眠又聽猿聲兩

峽起

舟至宜昌

夔巫回首萬峻嶒。悔不題詩最上層。二十四船齊拍槳。

滿天風雪下樊陵。

楚山如黛碧無垠。兩岬猿聲送客頻。恰喜前途煙水潤。

一樽清酒酹江神。

自沙市泛舟至荊州歸途口占

荊州城外路放棹。夕陽斜市罷墟還。趁祠荒樹半遮孤。亭先受月遠水欲吞霞。歸去黃昏近漁燈映綠葭。

巴陵道中望遠山

楚天渺無際，波濤迷津涯。昨泊劉郎浦，今泛巴陵槎。蓬
窓列遠岫，薄薄浮雲遮。削竈如三峽，窈窕如九華。江光
挹山翠，山影隨江斜。詩腸洗塵俗，秀色餐煙霞。湘妃廟
已古，憑弔徒咨嗟。空江春水濶，柔櫓鳴叮啞。

黃鶴樓晚眺

層樓屹立楚雲端，暮色蒼茫一倚欄。水勢西來巴峽遠，
潮聲東接海門寬。幾人霄漢成仙易，如此江山屬句難。
我欲臨風吹玉笛，招回黃鶴話高寒。

晴川閣

飛閣凌雲際，憑欄可摘星。帆來沌口白，樹繞漢陽青。煙

水供詩料江城列畫屏元圭懷禹績日暮薦檉馨

黃州

春水拍天流春帆一幅收江館餘赤壁城郭是黃州楚

國提封盡蘇公官蹟留故人新出守五袴聽民謳謂徐石民

太守新
典黃郡

琵琶亭題壁

荒亭遙對庾公樓亭外斜陽下泊舟楓荻蕭疎猶有恨
煙波浩蕩只宜秋才人謫宦多悲慨過客題詩續宴游
我亦青衫淪落甚琵琶未聽淚先流

自皖城至蕪湖途中雜詩

落花飛絮皖江邊
小泊蘭橈薄暮天
依舊數峰青未了
雪沉鴻尔憶當年

夕陽孤塔見池州
一路垂楊聽鷓鴣
行過銅陵三十里

九華山色落船頭

書

泥汊遙連荻港長
棟花風裏過繁昌
鱖魚出水今年晚

未許吳儂得飽嘗

潮落春江蕩槳遲
零星燈火認鳩茲
明朝挂席蠓磯廟
無數青山澹畫眉

浙

大風過采石磯
不得泊

危磯插江許東南
一門戶况自太白後
垂名足千古片

帆萬里歸勝蹟。爭先覩。罡風忽迅發。如矢乍離弩。豈是
長庚星精芒。思一吐。抑或謫仙居。不接俗人武。白雲生
濛濛。頃刻落遠浦。失此當面緣。徒勞夢天姥。他日策杖
來。勝游定重補。

金陵

書

日落白門渡金陵。王氣銷雲。北固花月夢南朝。畫
舫春燈。曲紅樓。碧玉蕭。興亡多少。恨終古。咽江潮。

晚泊儀徵

十五年前路。重來似夢遙。渡頭春樹合。水面晚煙消。燈
上三層閣。潮生廿四橋。詰朝須早起。着意看金焦。

揚州漫興

未醒揚州夢。來看月二分。帆檣瓜步接。歌吹竹西聞。淮
水生香霧。雷塘散暮雲。蕪城春不減。愁憶杜司勳。
夾道青樓起。珠簾面面遮。歡情留芍藥。怨思托琵琶。曲
譜新紅豆。詩尋舊碧紗。隋堤滿芳草。何處玉鉤斜。

露筋祠

遠水碧無際。靈祠倚夕陽。何人酹芳醕。一棹泊橫塘。奇
節中宵著。清名百世揚。神鴉聞送客。幾隊噪垂楊。

上楊至堂河帥以增

三年袁浦樹旌旄。管籥淮黃坐鎮豪。不負生平唐陸贄。

能公選舉晉山濤令嚴幕府屯干騎謀奠金堤策六鰲
此際禹王臺畔路朗懸卿月一輪高

荔泉遺愛尚難忘憶我曾攀名伯棠先生先余三十年

今遺愛令興朝廷為柱石即看鈞軸拜平章大臣經

濟根儒術六代江山介壽觴何日一官依厦屋得從公

學古循良

舟泊袁浦奉檄讓漕借寓張氏秋葭館自夏徂秋

閒居無事作此遣懷

池館蕭閒借數楹一肩琴劍卸裝輕風前散步棕鞋便
雨後貪眠竹簟清書畫經營無俗韻芝蘭供養有幽情

八驕時向門前唱。惹得鄰翁聽也驚。

楊承陸五夫制府
至堂河帥杜顧

夕陽堤上布帆收。長笛聲中一倚樓。酒綠燈紅來勝侶。

朱山泉司馬徐質蒼貳尹
家子合主簿時相過從葭蒼露白近新秋。園林久住

渾忘客。風月間吟足遣愁。咫尺故鄉莼菜美。歸心空逐

季鷹舟

滕縣黃立山明府良楷席上晤雷春霆副憲以誠

即送其監軍江南

江圖

賓館相逢有夙緣。匆匆旌旆指南天。贊皇樓起黃河上。

鄭俠圖陳紫陞前烽火心驚馳羽檄。風雲氣壯集戈

船。縱戎我欲聞雞舞。不着征袍已四年。

濟南歲除

長河凍合消帆傳千里來尋歷下亭
海氣一天浮樹印
齋煙幾點鏡城青
人游鄒魯應思古地有湖山便覺靈
莫向異鄉感佳節頻年蹤跡總飄萍

趵突泉

名泉七十二源出歷下城城南有趵突奇賞尤難并
入寺喜幽曠芳塘十丈橫凭闌俯碧漪胸無俗慮縈何年
鑿三竅水勢使上騰響如湯沸鼎急若天激槽瀟泮復
突石人巧勝天生珍珠隨地湧幻泡逾萬層餘波潤禾
黍終歲靡涸盈仙人時一至黃鶴樓丹甍七寶湘妃瑟

白玉子晉笙鶴背多携未。答此琤琮聲。

游大明湖泊舟歷下亭口占

鵲華山遠綠波涵。畫舫亭前泊兩三。間倚闌干吹玉笛。
一湖煙水似江南。

沉鶯聲裡度花朝。寶勒香車滿七橋。綠遍春風萬楊柳。
漁洋吟過更魂銷。

道出濟甯投運河道方既堂觀察壩

紫府清嚴地。迴翔近十年。忽膺繡衣使。來管水衡錢。豐
沛堤防決。青齊澤國連。瘡痍猶未復。安撫賴名賢。
維舟亢父郭。卿月暫依先。北海叨樽酒。西湖話故鄉。計

程京國近回首魯山蒼亟盼持旌節籌邊到夜郎

舟中憶宜園八景

自我別宜園星霜越十度於今紫夢思風景想如故小

山殊玲瓏上植雙桂樹小山掩映百尺臺夜月光皎素

平臺遠窺朝日升高閣堪聯步高閣俯視庭院深靈岩

隨地布深院綺窻更清幽好鳥頻一顧綺窻有時輕風

來鈴聲出雲霧古塔園中花草香園外清流護繞屋一

溪水迢迢古木倚前渡隔溪知人遺此園頗可挹膝住

胡為萬里游風塵感道路春樹

津門雜感

蓬壺東望是瀛洲。雉堞回環蜃氣浮。萬國梯航來海島。
一時花月勝揚州。城頭鼓角開鈴閣。水面笙歌上酒樓。
十載前游渾似夢。雪鴻泥爪至今留。

片帆從此却河干。回首江湖路渺漫。二水交流歸渤海。

汶潞二水由此入海五雲多處近長安。庭闈望遠雙鴻杳。仕官還

鄉。駟馬難余擬差竣今日津門成浪迹不堪重憶舊漁

竿

紅橋處處長菰蒲。蕙香中泊畫艫。日暮魚鯪登亥市。
夜深燈火接丁沽。重來燕趙悲歌地。合繪朋儕雅集圖。
溥黔領運銅鉛作客年年甘旅食笑他張翰戀莼鱸

同官先後至此

津柳迎人綠幾枝。瓣香親拜水仙祠。傳來烽火驚心甚。
歷盡風波轉舵遲。琴劍飄零征客感。關河寥落早秋時。
湖雲江雨我眉月。併作奚囊一卷詩。

宣南坊邸偶憶滇黔舊游得詩六首

澂江

青山翠羽羅。印道趨庭猶憶華。年好花底吹簫勸客觴。
燈前聽雨添吟草。城南舊有撫仙湖。堤柳千條繫釣艫。
絕似吳淞煙水窟。春風處處長菰蒲。

永昌

山川絕徼鍾靈秀。文物聲明漢時舊。鐵壁藩籬守四夷。

金沙門戶排雙堠。諸葛營前落日斜。千秋戰績尚堪誇。
蠻煙瘴雨今銷盡。驛使新逢真象牙。

南詔

館

葉榆兩度從軍到。錦帶吳鉤正年少。洱海波平畫鷁飛。
蒼山寺古金樽倒。龍關三月落花多。蠻女羞童結隊過。
聞說兵銷民共樂。綠陰滿地聽謳歌。

昆華

小園日涉遠塵俗。金馬山高嶽。眺矚官閣娛親艷。錦袍
軍門草檄揮銀燭。昆華欲別重流連。我最關心翠海蓮。
初日搖紅波。泛碧萬花香。裡賦新篇。

貴陽

槃瓠曩作羣苗祖村村報祭鳴銅鼓濟火千年佐漢功
奢香九驛開邊土南明河水綠於藍河上春晴駐客驂
狔鳥蠻袍多旖旎萬重煙景似江南

鎮遠

層巒疊嶂青圍郭十丈漕溪秋漲落舟楫平安下澧沅
郵程迢遞通京洛西南絕域此咽喉萬里籌邊起節樓
莫道夜郎曾自如崇祠猶祀武鄉侯



浙江圖書館



餐花室詩稿

桐鄉嚴錫康伯雅

鞭絲帽影集

館

杜繼園少司空翰一月之間由庶子再擢侍郎並

參樞密時余銜恤南歸復拜朱提之贈誌感賀

遷賦呈二律

圖

名德中朝第一流 歷躋端貳裕經猷 官兼樞密威方重

職掌虞衡 寵更優燕 訖心章傳 玉局韋平家世固 金

甌春風桃李曾栽 編旌節三年駐鶴樓 公曾提

玉笛江城夢未闌 王子三月貢金過楚 何期落魏到長

蒙招飲于使署西園



安尚餘范袍相贈不使馮驩缺枉彈卿相憐扣當代
少雲泥忘分似公難軟紅重踏春明路東閣還來累館
餐

吳門客邸追和湯雨生都督貽汾金陵殉難絕命

詞原韻

一死全忠孝淒涼白下秋
防江空畫策破敵少同謀
銘未燕然勒屍真馬革收
九廟如可作假手戮蚩尤

錄原作

不料湯君死生輕一瞬忠義重千秋
骨肉非甘棄兒孫好自謀
乃法知造故鄉魂可到絕筆淚難收
藁葬母子痛平生集罪尤
宜其壯難

也
李商隱

滄浪亭

一角紅亭萬木圍。綠雲鎮日鎖荆扉。板橋幾曲自高下。啼鳥聲中落日暉。

水榭三間俯碧瀾。晚涼時候一憑欄。樓臺隔岸知多少。小李將軍畫裡看。

還家後與諸從弟話舊有感

傷心墨經返家鄉。握手惟餘淚數行。別後光陰真一擲。去時松菊未全荒。只愁貧立相如壁。誰料歸無陸賈裝。幸有能詩諸弟在。不辭把酒話滄桑。

上湖州王雪軒太守有邀

扁舟來謁吳興守。舊雨相逢重把袖。憶昔訂交昆海邊。
少年裘馬都翩翩。我好悲歌公好酒。一時豪氣凌星斗。
我官滇南公越州。梅花盼斷傳書郵。前年公廢幕我讀
於今我亦悲風木。庶吏兒孫不諱負。一樽話舊情彌親。
聞君惠政邁台杜。傳旗遍洒隨車雨。我家烏戛壤地同。
枌榆竊幸叨幘幪。仕宦還鄉敢稱謁。此心詎若冰壺月。
寄韓稼孫廣文印新陽

鱣堂風趣托琴樽。一代靈光魯殿尊。脫手文章傳虎觀。
攀鱗聲價重龍門。時逢多故竒才見。交到忘年古誼敦。
愁絕金陵舊游地。干戈滿眼正雲屯。

先生未合老儒官。一笑身辭首着盤。豈類尹何慚製錦。
相期貢禹慶彈冠。出山更得游山樂。入世奚愁濟世難。
他日雙魚應寄我。滇雲遙望不勝寒。

孤山吊林處士祠

先生真隱士。棲息此山莊。野鶴不知處。梅花留古節。
高壺澤宰。食配水仙王。獨上巢居閣。寒泉薦一觴。

詔表忠觀

衣錦城高夕照斜。崇祠樹密棲鴉。英雄氣壯潮頭怒。
兒女情深陌上花。鐵券早傳王富貴。金錢曾買夜繁華。
功存兩浙豐碑豎。誰認冬青憶趙家。

題蘇小小墓

西冷橋畔曉霞明
閒覓芳蹤酒榭擎
油碧香車今日杳
桃花流水去無情
春風蛺蝶魂難化
孤塚鴛鴦夢不成
麥飯紙錢寒食節
尚餘詞客弔卿卿

湖上與內子別

琴書檢點上扁舟
更作西湖數日留
雲外鐘聲黃葉寺
柳邊雁影夕陽樓
十年鴻爪尋前夢
一曲驪歌唱暮秋
聽徹段家橋畔水
潺湲也帶別離愁

富春道中

七里灘頭水竹虛
暮花紅處鷺鷥居
此間合住羊裘客

對着斜陽獨釣魚

江干風送峭帆孤。錦石澄波入畫圖。領畧富春山水好，莫將花月艷西湖。

龍津夜泊大風雨

館

顛風入夜猛於虎。暗挾驚濤催急雨。大力能回江漢流。寒聲疑帶蛟龍舞。錢庶聊借沙鉤連。畫鷁時與波吞吐。推窓遠望不見天。壓岫濃陰似環堵。五更益覺勢披猖。萬竅如聞氣鬱阻。浙江潮汐撼海塘。昆陽戰馬喧金鼓。漫言五丁能開山。到此亦應歎無補。羈人危坐命懸絲。舟子含愁面如土。欲隨黃鵠返故鄉。却羨白鷗宿遠浦。

身世茫茫不繫舟。秉燭高歌心獨苦。

晚次南昌

何必長風趁馬當。晚潮容與溯輕航。匡廬撲翠來城市。彭蠡浮香入混茫。幕府旌旗騰戰氣。樓船鼓角咽秋霜。傷心帝子飛鸞杳。畫棟彫零卧夕陽。

去秋粵匪擾南昌滕王閣已燬于火

湘江

湘江不可極。千里碧如油。采掇蘭杜盈。盈浴鷺鷥迷。離衡嶽雨飄。泊洞庭舟。客裡殘年近。思家起暮愁。

三登黔陽芙蓉樓

一尉才名重。龍標古蹟留。廿年常作客。三度此登樓。

畫江城晚芙蓉水國秋詩成題壁却寒雨滿孤舟

金筑旅次元夕寄內子並柬指坤婉清兩從妹

故園今夜月團藥酒綠燈紅興未闌可念西征人萬里

邊城風雨散裘寒

上安順郡守劉仙石先生書年

謫仙何日下蓬萊琴鶴裝輕萬里來南國循良追召杜

西清詞賦壓鄒枚濟時公有平戎策飛檄人驚倚馬才

郡屬鎮甯郎岱匪徒滋事先今日橈檣多掃淨論功端

生親督兵練防勦民賴以安合上雲臺

皇華四牡詠江涓太守官從太史移清秘曾經司典籍

文章終可化蠻夷。登樓山好排吟榻。行部花香簇畫旗。
嘗共汪淪談永夕。歐公門下感恩知。浙先生壬子典試吾
內兄注日植出

下門

呈吳仲晦中丞振棻即送其移節關中

福星煜煜彩雲端。六詔恬熙撫馭寬。帝重連圻方

借寇。我來萬里復瞻韓。愛留南國棠千樹。吟到西園竹

數竿。勲業文章同不朽。集成一品并騷壇。

鳴騶忽報去蘭城。遙指長安駐旆旌。分陝功兼周太保。

提封官領漢西京。潼關北峙籌形勝。沔水東流洗甲兵。

時楚北烽煙未靖陝西。料得退衙仙館坐。終南雲物畫
興安一帶辦理防堵

圖呈 終南仙館在西安節署

錦里初登大雅堂○光風霽月異尋常○曾○勞○命○駕○來○嚴○武○

早識安邊倚贊皇○已再赴都道出成山斗聲華傾海內

封畫位望冠吾鄉○九秋漫動苑鑪興○東閣需公事正長○

先人薄宦廿三年○未買坡公二頃田○旅櫬艱難歸故里

全家飄落在窮邊○麥舟風義高千古○筠管題詞寵九泉

蒙題大遺集先不盡天涯知已感○此思未報每拳拳

登滇南城樓作

數載蘭城警鼓聲○登臨有客賦征西○五○華○池○館○秋○風○急○
六○詔○山○河○如○照○依○邊○要○幾○重○通○略○越○蠻○夷○百○種○雜○雕○題○

彩○雲○依○舊○天○南○現○蕭○管○神○祠○祀○碧○雞○

關索嶺詠武侯手植松

館

喬松百尺挺奇骨○獨立深岫忘歲月○傳說武侯親手栽○
行人相戒勿剪伐○我思武侯昔征蠻○出師殲師數月間○
軍書旁午日無暇○安得復有種樹間○或者旌旗昔過此○
小憩樹陰曾徙倚○南人愛公如父母○必恭敬止同桑梓○
虬枝矯矯凌青空○鶴蓋層層罩離宮○綸巾羽扇肅遺像○
盟壘臺古來清風○因思定慧院前一樹梅○彭澤里中五
株柳○亦只區區卉木耳○各藉坡仙陶令傳名久○何況武
侯勛業滿二公○終延漢祚憑隻手○無論此樹是否公親

我大名並足傳不朽

黔東苗變歸途阻塞扶櫬由川陝豫魯繞道旋浙

叔弟留侍 慈闈投効黔營賦此奉別 慈親

並示叔弟

白頭人老未還家親舍重違感歲華
恐淚何堪牽別袂
傷心如此返靈輿
愁看竹園峰千里
夢繞桐溪水一涯

蜀棧秦關增閱歷此行敢作壯游誇

予季追隨見性情艱難家計費經營
廿年燈火勞前夢

八品頭銜負此生
弟納粟為縣佐効力黔營
捧檄何妨因母屈
哦松

且莫笑官輕軍門倘上安邊策
定許功名勝阿兄
余初亦以

升縣佐從永昌軍薦
縣令加秩郡丞

永甯城外登舟至瀘州

官

筍輿行盡十三郵古渡重呼一葉舟

自黔至此計陸路十三程

飛瀑

白分崖頂樹夕陽紅浸水邊樓全拋骨肉成孤客幾度

巴庸作勝游放棹中流風色好擬携樽酒酌曹侯為此明河

景川侯曹
震所開

立秋日毛以軒別駕紀雲劉筑生明府春溥招飲

於瀘州城東龍馬潭醉後作歌紀事

仙人乘龍如乘馬頭角崢嶸出跨下仙人跨馬忽化龍
揮鞭叱吃煙雲中憶昔王郎遇仙子道成騎馬返鄉里

揮鞭叱咤煙雲中憶昔王郎遇仙子道成騎馬返鄉里

唐時王昌居潭側遇異人於市中授以道術並予之馬
至則為龍躍入潭中湧出一洲後人建伽藍殿於上
是龍是馬初未明躍入空潭見首尾瀛洲湧出潭中央
幾畝荒陂一泓水即今鐘鼓禪林猶恐蒼鬚拔浪起
良朋邀我來刺船新漲一篙清且漣雕楹曲榭極精妙
涼臺燠館皆幽偏枯松兩株老不死修竹百竿青可憐
吾儕到此不痛飲盛會安得傳千年水光山色入杯琖
新醅味比鷺兒鮮果能吸盡江潭水應見仙人醉拖長
虬眠不然呼龍出水負我海上去遍攬瓊宮玉宇日與
蓬萊仙侶相周旋吁嗟手醉鄉足抵游仙好放眼忽覺
乾坤小一陣腥風吹雨來潭底神龍現鱗爪

成都秋日借翁午茶判史道醇孫芝雲參軍兆蕙

游薛濤井迴瀾寺浣花草堂諸勝歸途口占

錦官城下水蘭舟金雁橋西碧玉流簇簇芙蓉明鏡裏

橈聲搖碎一江秋

枇杷花底綺羅身浣出名箋十樣新一掬春風才女淚

當年拋落在江濱

暝色微茫繫釣艫迴瀾古剎面平蕪二分竹石三分水

一幅江南好畫圖

曾吊詩人白帝邊東屯北嶼最流連草堂陳迹今無恙

落日憑欄聽杜鵑

中秋日宿武連驛次壁間韻

關河成獨客。車馬動經年。鳥道趨秦棧。狼烽避楚天。樹
尋前代古。月共故鄉圓。記得留鴻爪。題詩又武連。

劍門

戰守清時孰討論。巴西形勢一關尊。萬峰如鏑排雲際。
落日揮鞭過劍門。

神宣驛

即古善筆驛

神宣驛裡兩三家。善筆雄名尚足誇。今日巴庸無堠火。

青山紅剝刺梨花。

五丁峽

浙江圖書

巨峽參雲直。危礪拔地雄。峭函無此險。秦蜀幾時通。白
馬氏羗外。金牛驛路中。五丁難斧鑿。開擘仗天工。

上鷄頭關

金雞唱秦棧。昂首與天齊。上有百磐石。下有千仞谿。茲
山一識面。頓覺羣峰低。林壑極幽邃。猿鳥時悲啼。一關
立雲表。鎖鑰固隴西。我來值秋雨。清晝陰雲迷。懸崖響
飛瀑。磴道滋新泥。山頂人似蟻。曲折窮攀躋。負擔未能
弛。勞歌聲恹悽。余生慣陟險。萬里恒棲棲。征馬去不息。
躑躅騰雙蹄。

重游紫柏山留侯祠

仙山恣幽討。停車趁新霽。苔深印屐痕。竹密掃塵鬢。老
樹秦代青。靈芝漢時藝。留侯昔辟穀。結茅傍巖際。遠師
黃石公。韓彭曷能繼。廟食二千年。香煙猶勿替。地迥道
心生。寺古碑銘瘞。石磴紆百盤。絕頂堪小憩。天風挾飛
濤。冷然吹衣袂。柏山三面環。蜿蜒作屏蔽。一谿泉水清。
流出松花細。如此名勝區。乃在深谷閉。今我復來游。年
華嘆易逝。名流題詠多。疥壁難留句。長嘯循歸途。吟魂
夜夜繫。

鳳縣道中

浙

郵籤聽報草涼樓

名驛

衰柳斜陽過鳳州。筆墨未完秦地

債天教匹馬再來游

峭壁空懸百尺梯猿猱到此絕攀躋艱難歷盡連雲棧

明日征人出寶雞

東行至寶雞縣出棧

題馬鬼驛四首

曲譜霓裳聽未終十年恩幸太匆匆美人一死干戈定

不數平戎第二功

遲却紅塵進荔枝黃泉碧落竟何之莫言此豈能傾國

失着君王寵祿兒

空憑方士話前因海上仙山夢不真畢竟精誠輸漢武

靈臺猶見李夫人

白楊蕭瑟暮鴉啼。清渭東來路欲迷。歎息荒墳淪宿草，不曾移傍秦陵西。

長安九日

寒信長安早，寥天雁叫霜。隻身來萬里，孤店過重陽。對菊無佳句，持螯憶故鄉。何當登太華，高會舉黃觴。

上西安督糧道韓小亭觀察秦華

不負征輪萬里馳，雲霄藉識鳳磨姿。和平自具容人量，清慎何難結主知。持節首膺三輔地，采風手輯二南詩。恩膏流共巴江遠，益部於今切去思。

公屢任成都潼川郡守並

昌權道建

靈冕宣勤歷雍梁外臺風紀肅秋霜傳家舊有尚書杏
分陝新裁太保棠偶見鶯花吟鄠杜每因山水夢錢塘
一官倘遂游秦願常侍先生杖履傍

灞橋曉行

路出青門十里遙曉風殘月總魂銷多情祇有垂楊柳
又送行人過灞橋

望華山

華陰道上行華山馬前展參天似插刀片片秋雲剪列
嶂斷復連晴嵐淡亦顯一氣相盤旋離奇雜偃蹇造物
誠何心雕鑄供遐眄低壓青疇平高瞰黃河轉空翠有

無中清光自舒卷。簇簇蓮花峰。擎出蓬萊苑。亭亭玉女
盆。煙鬟洗婉孌。仙掌撐碧霄。雙丸遞往返。全身固偉奇。
和面亦清遠。此中層累多。笑我測山淺。飛仙時來棲雲
關。終古鍵何日。裹糧游。不憚雙足繭。

洛陽懷古

書

萬里馳驅到洛陽。中原立馬感興亡。峭函未失神皋險。
灑澗終疑禹迹荒。一築雲臺思將畧。三分漢鼎起詞章。
衣冠人物今何在。枯塚累累望北邙。
典午河山未始終。荒臺廢苑管絃空。殿廷塵尾清談尚。
禁極羊車樂事窮。自見雙鷺潛地底。遂教五馬渡江東。

三千粉黛俱黃土。莫倚銅駝弔故宮。

十月朔日鄭州旅店作楊花曲三章次壁間韻

卅六年華萬里身等閒孤負幾青春樽前莫唱楊花曲
一樣飄零是恨人

無復流鶯繞樹啼鄰家猶唱銅鞮行蹤笑比楊花活

才自東來又向西

梁園西望路悠悠門巷依稀舊日游想見楊花飛作雪
不知人可在樓頭

汴梁雜感

攬轡夷門夕照黃信陵祠畔樹蒼蒼千年汴泗宣防穩

浙

五

圖

書

一片金元戰壘荒生乞步兵悲阮籍
早工詞賦憶鄒陽
無才怕作梁園客獨上繁臺拜孝王

傷心莫唱黍離歌趙宋遺墟走馬過
想見煙巒開艮嶽
渾忘鐵騎渡黃河相臣悞國東遷緩
宮女從君北狩多
今日金明池上路數行衰柳弔宣和

蘭儀黃河秋決張五卿中丞亮基起自廢籍馳往

山左籌辦疏濬要工道出曹南寄呈一律

欣聞舊雨拜黃麻又向青齊走傳車
絕塞方投蘇屬國
深宮已召賈長沙胸中爛熟河渠志
天上遙乘博望槎
會見狂瀾迴隻手八州還許建高牙
公歷權真點
兩湖背篆

徐州

禹貢畫徐州。荆揚標上游。大風懷赤帝。落日黃樓樹。
禿龍山現。煙凝雄堞浮。荒臺誰戲馬。汴泗自東流。

桃源

慕爾桃源邑。芳名也足誇。避秦無古洞。近水有漁家。但
插雙堤柳。誰栽一縣花。劉郎如到此。莫悞問胡麻。

吳門途次聞桑百齋師春榮由滇南觀察秉臬點

中寄賀二十四韻

浙

昆海留甘雨。祥柯迓福星。新階遷柏府。寵眷洽楓廷。
邠伯將宣化。皋陶首慎刑。苗民邊圉格。莞籥北門金。

筑鏡歌起珍州堠火停

桐梓已
經克復

崔苻搜大澤狴豸出空

庭舊友同持節

謂蔣
肅中丞

寒儒喜執經南衙饒樹石東閣

敲荷汀判事花飛座題箋月

館

風清無瘴暑山好有

黔靈只恐頌

瓊詔難教駐玉輶本來公輔器何止价

人屏京洛雄才借

師寄籍瀛洲

妙選聽寶書窺壁府華

秩頌槐廳鐵面乘馳譽冰心校士銘

師由編修轉侍御
辛丑分校禮闈

郡符辭

鳳闕廉鎮振鸞鈴江錫命分茅貴貽謀五桂

馨勳當書竹帛夢緩到蘭亭憶我趨丞簿隨班侍典型

官途方似漆公眼即垂青比歲悲風木行踪逐水萍官

雖依夏屋身自返吳船兩地郵程隔他年訓語聆天涯

瞻馬帳游子正飄零

十一月初七日扶觀到家書此誌感

荆豫徐揚更雍梁六州塵土館詩囊一年二萬三千點
舟楫平安返故鄉

浙江圖書館

餐花室詩稿

越水吳山集

宜園觀梅

薄官走天涯。探梅興景賒。十年歸未得。獨負故園花。今日花初放。剛逢我到家。一樽花下醉。有夢亦清華。

小游仙

珠闕琳宮畫裡看。萬芙蓉繞碧闌。干嬌娥自愛清涼境。不許乘鸞到廣寒。

罡風送我上蓬瀛。十二樓頭訪碧城。仙女滿堂多國色。

桐鄉嚴錫康伯雅

館



就中只識董雙成

瑶池阿母敲瓊筵鳳舞鸞歌協管絃聽唱紫雲迴一曲
落花風裡宴羣仙

銀河清淺水縈紆不比人間海易枯恐有靈槎到天上
欲將消息問黃姑

讀李供奉詩集

謫仙去騎鯨游朝臨三島暮十洲長庚燿燿光不滅
豈獨文字留千秋平生胸次最豪放發為詩詞絕塵障
格高調逸神彌超絕迹飛行莫敢抗至今遺蹟留人間
采石樓高凌蒼煙安得九霄下鳴鳳高歌一曲空碧天

讀杜工部詩集

少陵人去幾易代。浩然英氣今尚在。激昂慷慨數萬言。
寸心耿耿見忠愛。平生詩筆多蒼涼。志存君國終難忘。
惜哉朝廷未大用。徒使感喟留文章。惟公遭際若不偶。
亦公才名留不朽。陳芳國中稱詩聖。千載風騷無出右。

乍浦湯山觀海

風雲莽莽獨登臺。萬里滄溟眼界開。水勢直包天地外。
濤聲疑挾鼓聲來。樓船旌旆旆黃盤出。估舶帆檣日本回。
幸際東瀛烽火息。得從海市望蓬萊。

笠溪從弟移居鴛湖扁舟相訪作此贈之

傑作

構李煙波好移居。羨季方巢營新燕子。湖接舊鴛央帆
影當窻直。溪聲到枕涼。桃源真福地。何況近家鄉。
綺歲文名重。吾家有數才。詩能師鮑謝。人可到蓬萊。插
架牙籤滿。盈階玉樹栽。官途嗟我拙。無地起樓臺。

贈篙師

圖

渡江理舟楫。北行望天衢。奔濤異漲中。驚魂歷艱虞。間
與篙師語。汝計毋乃愚。汝家足自給。輒欲游江湖。為人
致遠物。獲利誠區區。履此不測淵。剖腹藏明珠。松陵百
畝田。盍歸耕膏腴。篙師顧我笑。謂君何其迂。山國居虎
豹。澤國生魚鳧。南船慣波浪。北馬輕崎嶇。事各有所宜。

未許拘方隅。島夷自內附。市舶通吳都。南漕改海運。聯
檣達丁沽。使人盡裹足。正供誰轉輸。不見沈舟側。日過
干舳艫。君既欲避險。此來胡為乎。我聞篙師語。默然重
踟躕。世路歧中歧。干人異其趨。賤者欲騰上。貴者窮歡
愉。富者謀封殖。貧者求錙銖。巉巖不可劈。世豈無瑾瑜。
滄海不可蹈。世豈無珊瑚。而况宇宙大。怪事無處無。鼻
同受此氣。乃有逐臭夫。口同別此味。乃有嗜痂徒。當其
矢志赴。不以夷險渝。甘苦各自嘗。付之天地鑪。念我廿
年來。曾經十萬塗。足迹遍天下。我馬既已瘡。隻身犯穽
陷。中懷如茹荼。自昧垂堂戒。幸保千金軀。願以已所見。

妄○勸○人○改○圖○愛○人○則○良○厚○自○謀○何○太○庶○目○不○能○見○曉○斯
言○洵○不○誣○一○笑○謝○蒿○師○毋○復○相○擲○揄

京邸懷人詩

吳和甫侍讀師時任雲南學政

兩番持蕩節○萬里滇南行○回紇一朝叛○四山擊鼓鳴○危
城○今○解○圍○虎○口○留○餘○生

音興堂總戎師時官肅州總兵出師鳳陽

五載統貔貅○討賊皖江北○精采李臨淮○橫行趙充國○昔
年共戎帳○親見平蠻勢

胡詠芝中丞時任湖北巡撫

同官古金筑。晤對時一堂。督師蒞荆楚。位業躋封疆。良
箴屢貽我。雅意終難忘。

張石卿制府時往雲南督辦軍務

建牙直蘭城。轉餉點蒼郭。西征十萬兵。挾纊同聲樂。遠
師范仲淹。胸中富韜畧。

楊曉東都轉時任兩浙鹽運使

公非百里才。驟遷總釐職。為我解腰纏。北游壯行色。平
生鮑叔知。何時能報德。

黃立山觀察時官山東濟東道

貢舶阻泗河。樞衣謁官閣。窮途憐阮生。千金惠然諾。直

哉古之人高義雲天薄

林鏡颿太史

由編修幫辦軍務乞假旋闕

從父讀兵韜丹心經百鍊江左來參戎不負老臣薦史太

為文忠師長嗣因王子表墓俄東歸九重尚垂眷

魏侍郎之薦從征江南陸少逸郡侯師由雲南麗江郡丞引疾歸常州

一官落蠻天逢公稱知已善政得民心魯恭未能比高風慕隱淪買田陽羨野

奉謁桂燕山相國良賦呈二律

勳高輔弼洽宸衷運轉乾坤日正中詔許鳴騶來

紫禁屏開射雀到青宮公年逾七十女為惠賞紫禁城騎馬

者英宿望香山老。晚節清芬魏國公。猶記昆華陳檠戟。曾從程座接春風。

精神矍鑠氣和平。出入黃扉佐聖明。督遍八州為

宰相年躋大耋長。公卿功留畿輔金湯固。畫上雲臺玉

貌清。癸丑秋粵匪寇津門公駐師元老退朝耽翰墨。鄭

虔三絕早齊名。

送蕭薌泉給諫觀察甘涼

芝詔續紛出鳳樓。乘輅萬里隴西游。外臺風紀安邊使。

絕域功名定遠侯。羞如輸忱來獻舞。軍屯無事撤防秋。

繡衣持節君恩重。看到三公未黑頭。

五華曾憶送征輪。京國重逢意倍親。官貴何嘗忘舊雨，
才多豈肯老詞臣。琵琶待聽涼州調，楊柳先探灞岸春。
此去巡方兼奉母，蒲萄酒熟進芳辰。

丁巳仲冬以郡丞改官吳下述事感懷率成四律

留別都門諸同好

圖

再接 天顏雨露叨觚稜。回首五雲高。虛傳政蹟成
三異。未有邊功展六韜。燕市笙歌催祖帳。盧溝煙柳拂
征袍。詩人例合為司馬。佐郡江南意自豪。
奔馳南北感饑驅。落落襟期尚故吾。負土幸完孤子責。
分金莫道古人無。西風策騎辭雙闕。夜月揚帆向五

湖鄧尉梅花洞庭橘官游難得到姑蘇

頻年鴻爪印金閭從此并州作故鄉

聖代不曾輕

外秩麤材何敢薄賈郎養親館

出宰初無陸

賈裝漸說邊城舊游處尚餘父老話甘棠

余歷官雲南寶甯貴州荔

今波縣

路隔鄉關百里餘免教歸思動鱸魚一官聽鼓隨閒散

雙槩移家便起居財賦三吳推上國江山六代近南徐

秣陵烽火何時息好遂安仁奉板輿

時家慈就養於叔弟貴州清鎮縣

所任

自京南歸省墓旋即之官吳門得十絕句

衣上長安酒未消
梅花如雪送征輶
試燈風裏醉京國
曾學唐人賦早朝

分符福地仰

君恩慚愧功
館
勲汗馬論博得還鄉誇

父老八年三度謁金門

書

盧溝曉渡月西斜
絮被蒙頭臥水車
回首歡場猶有夢

舞燈歌扇滿京華

紅橋十二碧波涵
趙北經過偶住驂
一片塵沙收拾盡

換來煙水似江南

浙

言瞻秦岱又東行
嶽色霏青馬首迎
安得扶筇登絕頂

縱觀紅日海中生

放棹清淮雪未殘。廣陵南去暮潮寒。江頭擊鼓聲初息。
夜泊金焦夢亦安。

山妻迎我解歸裝。且盡花間酒一觴。脫去征衫休便浣。
朝回曾惹御爐香。

頭銜司馬稱青袍。早歲曾經薄俸叨。為愛吳中好山水。
改官此處作閒曹。

望斷西州感不禁。湘江閩海話恩深。龍門得托生何幸。

莫負山公薦士心。

滿天寒色拜松楸。莫罷楸漿有淚流。生得男兒期報國。
班超此去願封侯。

內子近畫山水詩以贈之

深閨畫品法黃筌花木禽魚着色妍十載從游半天下
歸來縱筆寫山川

祝王雪軒方伯五秩壽詩一百韻

壽寓開南極台垣拱

北宸圖

帝欽方岳任世仰股

肱臣僚竊尊行省

皇猷布代巡屏藩雄虎阜杓斗

酌鴻鈞漢室崇三傑

虞階倚四隣福星占在午間氣

溯生申族系烏衣舊門楣駟馬新趨庭過棘竿潔膳奉

昏晨今日覘岡鳳當初號石麟垂髫嫺射禮教胄貢成

均俎豆徵嬉戲冠裳慎笑頰良材雕斲備佳器切磋送

煥采凝芝宇含貞挺竹筠廉隅工砥礪磨澗謝緇磷瑤
珥非凡品金環認夙因鸞翔音噦噦豹變質彬彬此豈
池中物宜為席上珍研經師鉅鮒訂史仿裴駙治譜存
模範通才異等倫簪纓綿累葉弓冶艷傳薪仕進從鹽
鐵聲華動縉紳靖共由克已視履信維寅叔向殷投縞
林宗慕折巾冰壺涵朗潤虹劍躍嶙峋健刷凌雲翮潛
修縱壑鱗旁求需械樸待價貴瑜珣東角妖烽熾西
冷警報頻枚臬戎幕入楊僕戰船屯防海功先錄平夷
策屢陳繭絲花縣始風俗剡川純赤邑欣紆綬彤墀
寵拜綸萬家稱是佛庶獄決如神鳧鳥朝丹闕蛟川

泛畫輪。黔黎歌得所。琛賫候迎賓。禾稼盈村落。雀符剪
澤濱。調琴資領袖。比戶救遭屯。蒿里悲孤露。芒鞋返七
閩。劫思閩樹碣。會奠客連輶。范氏莊能法。歐陽表易竣。
隼旗臨浙右。鹿轂駕河濱。聿紹文翁化。何慚杜母循。芳
疇勤棄著。空谷競披榛。皖境俄飛檄。茗溪急閉闈。六韜
宣士卒。百舍靜煙塵。錫命黃麻賁。酬勲翠羽振。湖山
移吉耀。蘇白證前身。大府兵符贊。邊營敵愾伸。蜃氣銷
島嶼。鯁霧掃關津。保衛情胥洽。興除迹盡泯。滌苛網。自
舉導善吏。咸遵表已溫。施洛與殊惠。濟溱宏慈敷。衽席
雅量飲醪醇。鼓鑄泉流地。倉儲米積囷。耕桑敦本計。牲

醴爾明禮。牙節丰裁。峻牢益美。利臻精誠。多碩畫實。政
每周詢弭盜。刑堪畏懲。奸性使馴。圖頌威遠。礮賦益樂。
輸緡挽粟。供天庾。聯檣達滙。瀕圭璋儲。國寶樛
棟荷。廷掄遂建。昆華旆。行馳蜀棧。輪碧紗。尋寺壁。絳
蓋下峨岷。望正隆嚴武。時方借寇。恂攀轅。紛越女。負弩
改吳民。繡獬榮增黼。擊犀服易豹。鬱侯仍轉餉。名伯竟
來旬。決勝謀諸將。褒庸契注一人。瘡痍應漸復。易
糗曷愁貧。交重推襟誼。軍懷挾纊仁。淤沙千頃闢。沃土
數州酌。隊選丁男壯。渠穿故道湮。欲紓宵旰。屢常與
度支親。遣興毫揮素。題間句勒珉。牙籤羅璀璨。彝鼎列

編璘昌裕還。貽穀優游漫。應蒞科名期。後起寒暖極。沈
淪磬雁安。洲溼災蝗殄。隲眈梅羹希。作傅忝雨憶。霑卹
藻鑑巖搜翰。和鳴韻協鎔。排墻梗杞盛。繞座蕙蘭薰。蔀
屋忘呼癸。楸盤喜薦辛。譽高都督祐。香似令君荀。體立
昭平直。衷虛著侃閎。者英遙仰富。位業近侔先。澗水晴
光灑。胥臺瑞靄勻。幃圍霞散綺。簾捲月鈎鉤。銀亭榭栽紅
杏。陂塘漾綠蘋。延年奚借菊。紀歲合齊椿。賤子逢公早
蠻鄉侍官辰。分看霄壤隔。傾比藿葵真。主眷膺雖
渥。忠忱惕若黃軒車。舜賀燕樞牖。凜瞻鵷鏤管。詞同華
擊觴。酒獻幽登龍。犀御李。識駿獨追致。幸在幪蒙隸。常

邀啓迪諄駕駘勞策勵瓦鑠被陶甄度總形搗挹思深
結佩紉口碑聽溢路心版寫無垠梁業紫朱紱蓀枝舞
錦茵恩波承太液麗景絢韶春

贈錢慎菴郡丞德承

半年滄瀆結鷗盟霽月光風四座傾江左循良推卓茂

清時上考重陽城甘棠樹種梁溪滿君任金匱今倡辦

仙桂花聯梓舍榮兩公子去歲同是文忠門下士各談

知遇倍關情君在楚北余仕滇南皆荷林文忠師薦拔

贈袁翔甫貳尹祖志

趨庭早入洛陽來生本清門况妙才鸞鳳不妨棲枳棘

讓。他。凡。鳥。到。蓬。萊。

秣。陵。戈。馬。正。雲。屯。劫到。園。林。恐。再。論。憶。否。倉。山。花。下。樂。

淺。斟。低。唱。總。銷。魂。

先。世。曾。聯。翰。墨。因。尊甫蘭村先生曾為披圖今日也傷

神。與。君。同。作。風。塵。客。廉。吏。兒。孫。莫。諱。貧。

吳冠雲公子宗麟招入蘋花詩社賦贈二律

延。陵。公。子。領。騷。壇。十。丈。光。芒。放。筆。端。詩。酒。未。忘。名。士。習。

圖。書。常。結。古。人。歡。西。湖。山。水。精。英。聚。南。國。文。章。匹。敵。難。

檠。戟。承。家。經。濟。美。閒。曹。應。已。薄。郎。官。君已由部曹改官監司

官。游。掄。指。十。餘。秋。橐。筆。題。詩。遍。九。州。敢。謂。詞。場。推。作。手。

官游檢指十餘秋
索筆題詩遍九州
敢謂詞場推作手

今逢飛將欲低頭。清名何必資鸞掖。鉅製真堪造鳳樓。未免曲高愁和寡。琳瑯自向錦囊收。

題張鎔伯公子興烈雲來山館圖即送其入都

青松白鶴守柴關。一片閒雲日往還。只恐蒼生望霖雨。不教終久住深山。

西泠公子好才華。三影詞名自足誇。小試江南新令尹。風流何止為栽花。

大道垂楊送錦鞍。五雲多處望長安。蓬山且讓他人到。名却甘心作宰官。

異書曾讀五車來。莫負匡時有用才。仕宦他年躋節鎮。

承家勲業在雲臺

題李笙愉司馬嘉福仕女圖

曾記芳叢覓翠來一枝艷雪佐深盃
春風滿座牽帷出夜月開筵擁髻陪
瓊樹幽吟工點綴銀雲香夢幾遲徊
前身莫是維摩詰丈室天花恐費猜

蘋花詩社第二集詠白桃花

小園宜雨復宜晴玉籍仙姿費品評
千樹春風迷蝶使三生流水結鷗盟
侶尋穠李偕無語夢繞芳梨倍有情
莫問武陵溪遠近出山泉似在山清
移根側近梵王宮不許飛塵浣軟紅
雪樣精神宜竹外

月明風景憶樓東。情深潭水交彌淡。禪悟為山色即空。
擬為寫生裁尺絹。龍眠妙手奪天工。

題朱少明茂材錫典寒燈憶舊畝為悼亡作

冷淡青搖繡榻邊。拈鍼佐讀話從前。他年榮撤金蓮炬。
紫誥恩光到九泉。

曾伴青瑣守一經。燈前瘦影憶伶仃。可憐一枕游仙夢。
悞入瑤池喚不醒。

雙聲絃斷一天秋。鷓翼分飛墮畫樓。此夜青衫重檢淚。
人間何地可埋愁。

環珠鏡粉盡淒涼。燭影幢幢漏正長。寫作丹青徵韻事。

年來奉倩更神傷

蘋花詩社第三集詠黃梅雨四首

聽到鴉鳩第幾聲
綠陰深處已催耕
江干鎮日瀟瀟雨

却替黃梅管送迎

坪雅江湘兩浙三月謂
迎梅雨四月謂送梅雨

淼淼江湖卷白波
幾疑塵世落銀河
干戈滿地農桑廢

天為蒼生涕淚多

時大雨積旬
江湖盛漲

雨肥佳果綻園林
摘去筠籃點點金
一例含酸終不改

寒儒風味美人心

浙

石湖詩繼浣花潭
山後山前雨意酣
絕似溼城地低濕

熟梅時節在江南

少陵石湖皆
有梅雨詩

游洞庭東山贈太湖莫意樓司馬元遂
姑蘇郡司馬管領好湖山。吳越三州控。煙波四面環。客
來官閣靜。吏散訟庭閒。不許紅塵到。桃源在世間。

南征曲

戰艦如雲列五湖。水犀雄武壯三吳。十年重賦從軍樂。
莫笑書生膽太麤。

獵獵英風大將壇。紅旗高捲汲陽殘。單于夜半倉皇遁。
但識威名膽已寒。
花柳西泠絕可憐。雪鴻留印憶從前。樓臺燈火今何處。
劫換紅羊七百年。

道場山下陣雲黃。畫谿邊曉角涼。難得村農能擊賊。
竟携耒耜隸戎行。

小隊弓刀技絕羣。健兒齊補黑衣軍。一腔熱血樽前灑。
願為朝廷策戰勲。

曾從上將斬樓蘭。少小功名在百蠻。今日偏師歸統馭。

肯教烽火逼鄉關。

一幅蒲帆笠澤收。洞庭山色落船頭。不圖橐筆從戎客。
日在江南畫裏游。

鴛渚南連樵李城。鏡歌聲雜棹歌聲。蘭陵忽報軍符急。
鐵馬金戈又北征。

奉檄權松江海防郡丞偶成二絕句

此生無分到瀛洲
一官愧負白江州
弭蓋未登海上樓
政績詩和皆碌碌

鼓角聲喧激怒濤
吳杭越糯轉千艘
運江浙海綏懷更切

安危計莫道分符類
馬曹滬丞例兼各國通商事宜責任甚重

題吳冠雲郎中坐看雲起圖

少年作宰南蠻天
彩雲常見昆華巔
今日滬符東海上
蓬萊雲起輝瓊筵
瀛南江潮萬點游
興往往托吟篇
翰墨寫作觀雲圖
意氣凌雲仙子仙
君才如海通八極
波濤澎湃納百川
郎官應宿初階耳
趨庭滬瀆年復年

戎機決勝贊帷幄。鯨鯢戮盡停戈鋌。鼇頂瞻雲有夙志。
長安唱第爭先鞭。為霖為雨遍天下。仁民愛物功業全。
詩人自古作名相。雲臺畫像丹青傳。

浙江巡撫王壯愨公輓詞

官迹之江閱始終。危城困守天孤忠。乞援可惜鯨鯢阻。
絕食偏嗟雀鼠空。肯為兇徒摧士氣。難將浩劫問天公。
湖山黯澹旌旗影。教魄還應作鬼雄。

遺表先期拜手陳。全歸端不愧。君親干戈偏地加。
多事才畧如公有幾人。滅賊竟難酬壯志。臨危猶計活。
斯民豈徒知己平生感。更為鄉邦淚滿巾。

宮保胡文忠公輓詞

南國傳凶問。東征失重臣。年方屆中壽。天竟喪斯人。三
楚風雲變。專祠俎豆新。生芻將一束。遙奠淚沾巾。
昔年隨禁戟。潏水共籌軍。薄獻雕蟲技。滿無汗馬勲。自
甘趨下吏。親見掃邊氛。今為蒼生悼。中天掩慶雲。
開府荆襄日。曾勞臂錦招。故鄉方負土。壯志怯題橋。駿
骨名徒負。龍門價倍超。愛才真若渴。朽鈍及搜雕。
九重頒卹典。恩禮冠封疆。事業昭青史。英靈返碧湘。小
民多巷哭。賤子亦心喪。欲請中原賊。知公志未償。
從一粟菴懷德上人乞竹移植解庭賦此為謝

絕愛絲絃傍水隈。數弓隙地好移栽。淨瓶楊柳從人乞。
官閣梅花許爾陪。干畝煙雲開士種。一庭風月此君來。
敢援詩換尖團例。愧乏坡仙海樣才。

題董味青茂才念菴秋夜讀書圖

已歷芳春過炎夏。莫負涼秋此良夜。夜深隔竹聞啜啞。
知是君家讀書舍。讀書自古用三餘。尺璧光陰本無價。
儒生兀兀窮鑽研。奚啻三年習秋駕。小屏低圍山六曲。
篝燈早護窓風射。琅然流響如玉琴。美月霜天吾不暇。
大官堪擬左傳癖。濁酒應將漢書下。印合懸知古賢許。
專精未免旁人訝。量更遙逗卷邊蛩語互。答空階罅

通宵吟諷不知倦
嗟嗟雞鳴猶未罷
秋聲一賦彼何取
肯效廬陵增歎吃
孤高直與顛氣爭
卓犖襟期敵蒿華
根芳既固枝葉繁
坐令倒峽詞源瀉
七錄縑緗供饜飫
八代文章足凌跨
從來稽古荷殊榮
轉眼魚龍參變化
金蓮炬引歸直廬
上苑春風枝好備

題章鐵珊廣文安行海濱問字圖即送其赴淮安

郡博任

十年甘吏隱海上
擁皋比官為經師
重人欣化雨施清
尊開講舍仙夢繞
蓬池君由景山官學
教習秉鐸來滬
驪駒又唱時

憶昨同官日嚴城正鼓笳劫塵悲梓里社詠入蘋花唐
之歲吳冠雲公子創蘋花詩社於
滄城一粟菴君與余皆入社
自嗟淮流千里遠送別意如麻
白髮君猶健青衫我

題朱少虞孝廉丙壽榆蔭山房詩詞集

毫端不許一塵侵家學淵源得力深月作精神花作骨

吳山越水助清吟

滄桑閱盡五年中詩到窮愁覺更工爭怪名流多擊節

曝書亭集有道風

此筆真堪造鳳樓仙才只合住瀛洲竹林盛事科名繼

準備他年奪狀頭君為吳山
年文猶子

浙江

于役震澤鍾琴舟廣文鼎招游小林齋賦贈二律
別後却寄

古木千章密。高樓百尺藏。兩峯秋色遠。一笛雨聲涼。骨
傲原宜隱。才清不礙狂。何時重把袂。閒坐話滄桑。
浩劫茫茫後。猶聞白雪歌。家貧餘卷軸。屋老占藤蘿。鄉
味尊絲美。盤餐首蓴多。近來常閉戶。吟興健如何。

乙丑仲冬自滬辨裝作金陵京口之游復歸吳門
度歲述事感懷率成絕句十二首

颶輪急轉浪花靡。沙鳥雲帆入畫圖。瞥見紫琅山一角。
依稀海上望蓬壺。

收笛聲中起暮潮。白門衰柳影蕭蕭。銅駝石馬俱灰燼。詞客何從吊六朝。

秦淮渡口板橋斜。艷說當年舊酒家。舞扇歌燈零落盡。

不堪重問秣陵花。

勝

書

清涼山下偶停驂。初地重經妙相菴。猶有園林逃劫火。

澹煙疎雨畫江南。

城非妙相菴為逆首洪秀泉偽御花園故獨完好如昔

別墅營成近謝墩。傳家簪版重清門。渭陽今日為循吏。

不負烏衣舊子孫。

洲外祖竹嶼都轉公卜居金陵白鷺今舅氏任直隸高陽令有政聲

小倉山色澹斜曛。杯酒來澆太史墳。一樣詩魂招未得。

琴園還弔故將軍。

隨園已燬於火余壬子運鉛過此曹昭湯雨生都督於琴隱園今亦殉難

通濟門開萬騎來，旌旗紅簇雨花臺。粵師持重湘軍捷。

將畧終當讓楚林。駐雨花臺為和雨亭將軍張殿臣提帥

攻克通濟門

襟喉江海控荆揚。虎踞龍蟠勢莽蒼。扼守東南根本地。

臨淮功不遜汾陽。時豫東捻逆不請曾滌生節相奉

鐵甕城環北固高。水犀京口景雄豪。頻年戰血沈江底。

化作鯨魚吼怒濤。

清曠林巒許客攀。焦先故宅傍禪關。長江萬里朝宗處。

砥柱中流是此山。潤州諸滕惟焦山未為賊

丹詔新除左郡官。小臣報國信云難。頊蒙大府知並因

江圖景雄豪

頊蒙大府知並因

海運保舉以知從今薄祿能將母感沐君恩海樣

寬府海運缺即補時慈闈將次到蘇囑仲弟赴黔迎奉

雁行同產本無多遠道愁聞薤露歌官聖主褒忠酬

曠典專祠今得祀牂牁叔弟書直州收權貴州石阡守

亡例從優賜卹並於死事地方建立專祠

陸定圃郡博師以涖命題唐辛紀難詩後

紛紜烽火編三吳回首鄉邦淚滿襦事急加思籌餉策

時危空恃辟兵符前車覆轍誰知鑿曲突先機或笑迂

蒿目問天天不語蒼生多難彼何辜

淋漓百首白新裁悲憤都從筆底來身世飄零風裡絮

湖山慘淡劫餘灰。間闕芒屨修途因幻境。蕉隍噩夢回。
杜老生平希稷契。一編詩史不凡才。

丙寅人日蘇州沈氏園看梅

春風扇園亭。盎然萃和氣。南枝逗芳信。相逢素心慰。瓊
瑤寫丰姿。冰雪浣腸胃。艷若羅浮仙。寒如溧陽尉。蕭然
林下風。孤高見華貴。遺世而獨立。顧視空百卉。嗟予溷
風塵。與爾同臭味。雖有看花福。惜少買山費。作賦懷廣
平。結廬棲仲蔚。時將移今年花最繁待奉板輿蒞
由黔楚感時思故鄉客愁縈夢寐西湖三百株不知着
南歸

花未

題五人墓

吁嗟乎。茄花爛。豸委鬼尊。太阿倒授。日月昏。黃芝出獄。
色悽慘。同時楊左。罹覆盆。銀鑄擲地。旗尉唱。駕帖曉。資
英閭門。吳民愛敬。周吏部。奉香請命。號且奔。豺狼當道。
爪牙肆。那許此輩。干天閻。就中五人。攘臂起。肉袒髯張。
髮上指。大聲一呼。萬人集。屠狗賣漿。好男子。拚將熱血。
洗頭顱。不為黃金報。知已忠肝。義膽凜然在。姓氏于今。
炳青史。石門六月。飛繁霜。青燐黯淡。秋草長。玉旒金冕。
復何處。大奄生祠。頽夕陽。

嘉興道中

自出江南路。征帆百里賒。碧蓋涼際雪。紅樹晚來霞。古
驛催官騎。荒祠噪海鴉。鴛鴦湖畔藕。可種並頭花。

塘棲

牆。艣。雲。屯。列。成。雄。水。光。山。色。畫。舫。中。
南。巡。盛。事。猶。堪。
說。一。角。紅。牆。認。故。宮。

武林雜詩

吳越襟喉地。江山第一雄。問闕來牧馬。士女化沙蟲。戶

斷吹煙白。原塗戰血紅。疆臣能死節。祠廟配精忠。
岳武

穆祠甫經修復。咸豐辛酉。杭州失守。巡撫
王雪軒中丞死節奉特旨建立專祠。

金牛湖畔路。清曉偶揚舫。莫問前朝寺。重尋四照亭。煙

館畫圖

凝孤塔紫雨洗兩峰青步上巢居閣寒泉薦苾馨昭聖因

雲林淨慈諸寺志成焦土惟巢居閣湖心亭蘇小墓脩葺一新

嵐翠飛三竺波光暈六橋十年鴻爪在一路馬蹄驕野

戍遺殘鏃湖樓冷碧簫青青蘇小墓豔骨未沈銷

方伯湖山主之江幕府開孤懷澄水月赤手起樓臺馬

上封侯去花間課士來棠陰留兩浙持節盼春回蔣蕓泉方

伯蒞浙三年士民交頌茲奉督師
粵東之命杭人擬赴闕乞留

登吳山作

百級登臨俯大荒
峩峩形勢鎮錢唐
丹樓翠閣連雲壯
古檜寒松拔地蒼
江上神潮來白馬
人間浩劫換紅羊

劉綱夫婦今無恙再續游踪話正長

道先已亥咸豐甲寅皆挈內子作西

湖之游曾登此山

花朝前五日自青墩至震川與錢芸軒別駕慶琳

陳二琛刺史豐周鏡蓉廣文士煦話舊

春風駘蕩客懷融斜曳蒲帆夕照中岸柳含煙無限碧
野花經雨可憐紅神紅社鼓前村開蟹舍魚莊曲港通

一宿家園重別去比他巢燕更匆匆

鶯湖水接鴈谿清笠澤烟波畫不成小舫追陪宜舊雨

遙山烘托仗新晴海天戰鼓今無警鄉國騷壇孰主盟

此後瀛壖容卧理好憑歌詠答昇平

丙寅八月初七日海兒生於滬城官舍書此誌慰

姪人陸氏出

今日才生子相看尚未遲紅閨借戲綵蘭女已白髮慰

含飴時迎奉慈輿聽客誇英物成材望異時向平私

願了須待杖朝期

投林勿村中丞鴻年

文章事業耀人寰領袖蓬瀛玉筍班詩詠皇華臨左輔

公於庚子歲詔持絳節到中山公曾充冊封登壇勝

算搵三畧開府威名動百蠻定卜

君恩深雨露林泉未許竟投閒

江圖

閩中詩派溯當初回首師門指授餘昔侍文忠師於真

皆蒙刊壁斲繫仍嗟紆墨綬南節署倡和詩詞蘭言今喜接華裾淵源有自蒙

推獎去住無心任卷舒殷望館吳重秉鉞青衫手版迓

旌旗

丁卯仲夏因病乞假旋里賦此留別滬城諸同好

投簪暫洗軟紅塵此去江湖號散人弱水浮槎尋舊雨

余足跡遍天下獨未至閩粵今仙山采藥壽慈親有友人拉作三山五嶺之游辭

官陶令原非傲示病維摩亦有因廉吏兒孫作廉吏歸

裝載石莫嫌負

政重金倉濟運難千艘轉粟達長安頻看琛貝來番舶

迴憶旌旗立將壇。唐申七月粵匪犯上海余偕前邑宰劉松巖先生隨同薛觀唐中丞吳曉

帆方伯江小雲廉訪守城七未敢憂時雙鬢黑尚圖報

畫夜備嘗艱險城賴以全

國寸心丹虛糜鶴俸剛經歲無補蒼生是此官

家世桐江有釣磯何須塵海蹈危機貢金萬里曾朝

闕昔歲王子由黔中磨盾三邊記突圍戊申己酉余隨林胡兩文忠師辦理

永昌軍務鎮遠壯不如人徒自歎達能知命也當歸另

冠翠羽新承寵敢道還鄉耀錦衣

楊柳依依送客舟情如白傅別杭州邯鄲有夢曾先覺

陽羨無田孰代謀官迹於今同梗泛去思何敢望碑留

涉廳地日重題額應仿長沙舊節樓長沙撫署有三到樓余於庚辛之歲

涉廳他日重題額應仿長沙舊節樓長沙撫署有三到

曾權海防丞篆今以除授
任病痊後例應生補原缺

題楊祥虹公子文武投筆圖

錦帶吳鉤氣不羣何時匹馬去從軍封侯食肉男兒事

莫詡詞壇翰墨勳

充豫頻年戰鼓驚雍梁萬里正鑿兵書生報國宜今日

定有奇謀致太平

點蒼山下跨銀鞵憶我從戎亦少年賸有摩崖一枝筆

為君他日勒燕然

浙江正書



浙江圖書館

養花室詞稿


浙江圖書館




浙江圖書館善本

乙 登記號：021411

一九 年 月 日



浙江圖書館




餐
花
室
詩

稿 江 圖 書 館



浙江圖書館



Inches 1 2 3 4 5 6 7 8

Centimetres 1 2 3 4 5 6 7 8 9 10 11 12 13 14 15 16 17 18 19

TIFFEN Color Control Patches

© The Tiffen Company, 2007

Blue Cyan Green Yellow Red Magenta White 3/Color Black